



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Oliverii Florentii Waterloop Congreg. Oratorii B. Mariae  
Aspricol. Presbyteri Monita Spiritvalia Et Moralia  
Tetrastichis distincta**

**Waterloop, Oliverius F.**

**Antverpiae, 1657**

**Titulus VIII. Lingua garrula.**

**urn:nbn:de:hbz:466:1-9689**

Quo degis hospes in loco,  
Illiū ad legem tuos  
Compone mores, quā boni  
Verique per leges licet.

Quis sit viator, unde, quō,  
Ne sciscitare: ne neget,  
Vel hæc rogantem injuriā,  
Vel jure te suo oderit.

### Lingua garrula.

1. **N**E more plebis garrulæ,  
Incerta rumorum seras,  
Nec certa: nusquam sis malus  
Rumoris auctor, nec bonus.

Seu vera fert rumor novus,  
Seu falsa; sit certum tibi,  
Habere suspensam fidem,  
Dum certa tempus adferat.

I rumor, & quidquid levis,  
Mendaxque fama venditat:  
Est magna pars scientiæ,  
Nescire velle talia.

Incerta certioribus  
Caveto verbis eloqui:  
Quæ certa scire te putas,  
Sermone suspenso assere.

Nisi certa certò noveris,  
Et certa pro incertis habe:  
Hæc profer, idem de quibus  
Dicant libenter ceteri.

Quæ certa reris, assere:  
At vera ne profer tenax  
Apud æstimantes frivola;  
Vtrimeque vitabis notam.

Rumor frequenter omnia  
Majora vero nuntiat;  
Nec semper à falso satis,  
Cùm vera dicit, abstinet.

Fama implet orbem fabulis,  
Nugis meris, affaniis:  
Eundo crescit; & levi  
Tragœdias creat joco.

An rumor error, an magis  
Sit erro rumor, ne ambigas:  
Dic posse in uno sistere  
Et caussam & effectum loco.

Vulgò vagantis despice  
Rumoris inconstantiam:  
Est stultus, aut temerarius,  
Qui præstat erroni fidem.

2. Indigna prudentum fide  
Curare noli somnia:  
Quod optat, aut sperat vigil  
Mens ægra, per somnum videt.

Nil vanâ præter somnia  
Homo somnolentus invenit:  
Nam somnus haud res exhibet;  
Sed spectra, quæ genuit, docet.

Fingunt amantes somnia,  
Sibi que delusoriā  
Spe blandiuntur: quod cupis,  
Expende; quod speras, vide.

Rem

Rem stultus auget somniis;  
Fit somniando ditior,  
Quam qui per amplus aggeres  
Argenti & auri possidet.

Nil spernat auris; nec tamen,  
Quod audit, admittat statim:  
Errare quem minimè putas,  
Aut verba vendet, aut dabit.

Vt veritati non satis  
Tibi agnitus semper locum  
Vacuum relinquas, nec citò,  
Nec omne crede, nec nihil.

Cunctare, cuncta nec putes  
Credenda cunctis: si omnium:  
Dictis tuam præbes fidem,  
Das omnibus, negas tibi.

Homini homo fide; sed cui  
Habeas fidem, priùs vide:  
Bona lingua, secreti tenax;  
Mala & cavenda, prodiga.

De re loquenti, quam scias  
Nescire te, nullam tibi  
Habes fidem: multò minus  
Habent ut alter, exige.

Quæ scire te solum decet,  
Loquacis auribus nega:  
Quid molaris, aut agas,  
Nescire garrulum jube.

Tacitum manere quod voles,  
Tu nemini ipse dixeris:  
Silentium cui suadeas,  
Tibi ipse quod non suaseris.

Arcana cùm voles tua  
Vulgare, crede feminæ:  
Hoc omnis unum femina  
Celare, quod nescit, potest.

Amica sit conjux licet,  
Secreta nesciat tua:  
Hæc una garritu levi  
Audebit ambos perdere.

Fer garrulum: verbis probus  
Haud vulneratur improbis.  
Vt quæ placent exaudias,  
Quæ displicant audi, & file.

Ne verba contra garrulum  
Cumulare pergas: obtice;  
Mox falsitatis præmia  
Confusus in se sentiet.

Audire garrulus cave,  
Quod auribus datur tuis,  
Haurire noli, vel tege  
Comissa, qua par est fide.

Si verba secretò tibi  
Comissa gratis detegis,  
Es garrulus; si spe lucri,  
Iniquus: utrumque improbus.

Conviva vel prudens file,  
Vel quid loquaris, felige;  
Ne prima vel sub initia  
Sit sera pœnitentia.

3. Non audeas dicterium,  
Quod ferre nolis, spargere.  
Si vis amari, fac ames:  
Exemplum in auctorem reddit.

Mores amici noveris;  
Non oderis, non carpseris:  
Aliena difficiles decet  
Aures habere ad crimina.

Opus alienum quid notas?  
Refinge, & emenda tuum.  
Sciendo, si nescis tibi  
Prodesse, ne quidquam sapis.

Prudenter alieno in malo  
Fugienda quæ sunt, aspice:  
Alius error te monet,  
Quâ regulâ emendes tuum.

Quando alterum incusas probri,  
Ipsum intueri te decet:  
Hanc opta habere memoriam,  
Quæ te tui memorem facit.

Errabit ille rarius,  
Leviusque, qui errorem cavit,  
Timetque curva: tu viâ  
Incede tutus regia.

### *Animi duplicitas.*

#### *Candor.*

1. **M**endacium licet leve,  
Ceu turpe devita malum,  
Quod jure salvo proximi  
Proferre vix umquam potes.

Mendaee tetrius nihil,  
Nihil eviratius viro:  
Conatur hominem fallere,  
Et posse se putat DEUM.

Nil ore pejus duplici;  
Nil fronte fictâ stultius:  
Homini obsecundat, non Deo,  
Quem nosse novit omnia.

Mendacium omnes dedecet;  
Sed principes foedat viros,  
Qui (quod valent quantu volunt)  
Cur mentiantur nil habent.

Fumi instar est mendacium:  
Vtrumque ridet veritas,  
Punitque: fumo dignus est  
Perire fumi venditor.

Sis corde simplex, candidus,  
Purus doli: periit suâ  
Perillus arte; sic suo  
Doli artifex capitur dolo.

Me laedit incassum: tibi  
Dat nullus auditor fidem.  
Te laudo frustra: nec mihi  
Dat ullus auditor fidem.

Candore, quo nil rarius,  
In orbe quid carum minus?  
Et fraude, quâ nil crebrius,  
In orbe quid carum magis?

Candore si nil rarius,  
Calumniâ nil crebrius;  
Quis esse nostro judicet  
Quæ rara cara saeculo?

Frons rara cordis index:  
Arcana cogitatûs,  
Quæ cordis arca claudit,  
Mortalis haud recludes.

Cur